

بِسْمِ اللَّهِ الرَّحْمَنِ الرَّحِيمِ



Khutba Jummah

Hazrat Khalifatullah Munir. A. Azim (atba)

07 Février 2020

12 Jamadi'ul Aakhir 1441 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

Ki l'islam demande ou ?

Jamaat Ul Sahih Al Islam c'est pas ene nouveau religion. Li ene Jamaat parmi les autres Jamaats ki Allah (swt) fine élever dans sa siècle là pour distinguer ki sa Jamaat là ki Allah (swt) fine envoie So Choisi avec le *Ruh'il Quddus* (Saint-Esprit) pour retire l'humanité en générale et particulièrement bane musulmans depuis dans l'obscurité, et amène zot vers bane vrais l'enseignements de l'islam - l'enseignement divine - parski le vrai l'enseignement fine bafouer par bane soi-disant savants, soi-disant connaisseurs de la religion et kot zot fine invente beaucoup kitchoses non-islamique ki fine retirer dans bane les autres religions, bane les autres cultures non-islamique et fine amène sa dans Allah So Deen (religion : l'islam), et sa c'est ene religion ki Allah même fine donne so nom, couma Li-même Li dire dans Quran Shareef :

Al-Yawma ak-maltu lakum Diinakum wa atmamtu alaykum ni'-matii wa raziitu lakumul Islaama Diinaa.

Aujourd'hui, Mo fine rende ou religion parfait, et Mo fine complète Mo faveur lor ou, et li faire Moi plaisir donne ou l'islam comme religion. (Al-Maida 5 : 4)

Donc, couma ou fine trouver ki Allah (swt) même fine parfaire sa religion là et Li fine complète So faveur lor nous. C'est-à-dire, Li fine mette tous séki de bon pour nous, bane codes divines pour nous amène ene la vie dans l'obéissance nous Créateur et So Prophète (saws) kot Li fine mette 700 commandements pour nous kot tous bane problèmes ena so solution. So remède donc trouve dans Quran Shariff et pour sa raison là l'islam, et le Quran Shariff pou marche ensam et tous les deux li finale ; pas pour ena ene l'autre religion ki l'islam, ni ene l'autre livre parfait ki le Quran Shariff et c'est pour sa raison là ki Allah (swt) dire ki : **Li faire Moi ene plaisir donne ou l'islam comme religion.**

Donc, azordi ki fine arriver dans la religion l'islam ? Pour pas alle trop longue, nous trouver ki bane soi-disant savants en religion, bane soi-disant grand *Ulémas* fine bafouer sa l'enseignement pure là et zot fine invente bocou kitchoses ki pas islamique et bocou innovations.

Par exemple, bane zaffaires très importants et principale, couma : **(1) Ferme la porte prophètes dans l'islam**, mais selman pé attane ene prophète ki pas ti vine dans *l'Ummat-é-Mohammadiya* (saws) et alle à l'encontre séki Allah dire dans Quran et zot dire, li fine monte lor lé ciel et li vivant et zot croyance c'est ki li pour déssane du ciel et réforme bane musulmans, kot sa aussi li contre l'enseignement Quran Shariff, parski Allah (swt) fine dire ki séki zot pé attane là li ti vine pour peuple Israël et so mission c'était pour accomplir la mission de Moussa (as).

(2) Ferme la porte révélation. Kan ferme la porte révélation, c'est-à-dire, pas ena prophète pour vini parski révélation déssane lor Allah So prophète ki Li fine choisir. Là-aussi sa contre le Quran Shariff et ena bocou versets capave citer mais pour pas trop longue, ene seul mo cité : **N'importe kan ene guide arrive parmi ou depuis kot Moi, bane ki suivre Mo Guide pas pou besoin peur, ni gagne la peine.** (Al-Baqara 2 : 39).

(3) Ena faire Darga couma dire Masjid, alle lor tombe bane *Pirs*, faire *Shirk* lor sa bane tombes là. Allah (swt) dire ki *Shirk* Li pas pour pardonner. Alors tout sa c'est purement *Shirk*. Allah dire dans Quran :

« Wa'-budullaaha wa laa tushrikuu bihii shay-'an »
Adore Allah, pas donne Li aucaine associé. (An-Nisa 4 : 37)

Ki ou trouver azordi ? Fine ferme la porte *Masjids* pour bane madames, péna *Namaz* en congrégation, ni Jummah, ni aucaine programmes de *Deen* pour l'éducation bane madames et filles. Azordi guette ki condition bane madames et bane filles zot l'habillement, kot zot pé prend bane les autres chemins parski la porte pour amène zot vers Allah (swt) fermer et des centaines et milliers la portes *Shaytaan* ouvert.

Ki Allah (swt) dire dans Quran ? Li dire : **Ô bane croyants, kan appelle ou à la prière du vendredi, dépêcher pour alle rappler Allah et quitte ou commerce. Sa li meilleure pour ou si seulement ou ti conner. Kan la prière terminer, disperser dans pays et recherche faveur Allah, et rappez Allah bocou afin ki ou réussi.** (Surah Al-Jumu'ah 62 : 10-11).

Allah dire : *Ô bane croyants...* Eski madames pas croyants zot aussi ? Sa bane grands connaisseurs là fine mette bocou innovations ki pas islamique di tout, tel couma : *Khattam, Chalisma, Mawlood* etc. Par contre bane zaffaires ki Allah fine faire compran ki bizin croire, sa zot rejeter. Allah So bane signes tels couma bane manifestations divines, révélations kot Allah envoye So bane anges pour donne révélations, Allah So Livre parfait (le Quran) ki péna aucaine doute là-dans – Si zot ti suive bane l'enseignements ki ena dans sa Livre Parfait là, bocou kitchoses ki Allah fine dire faire, zot ti pour faire et séki fine dire li défanne et pé commette péché, zot ti pour éloigner avec sa – pourtant Allah (swt) fine mentionne sa clair dans Quran Shariff et guette ki Allah (swt) fine dire pour bane dimounes ki refuse croire dans sa bane zaffaires là :

« Wa mayy-yakfur billaahi wa malaaaikatihii wa Kutubihii wa Rasulihii wal-Yawmil-Aakhiri faqad zalla zalaalam ba-'iidaa. »

Celui ki refuse croire en Allah, bane anges, So bane livres, So bane messagers et le dernier jour, Li sûrement fine égarer loin du bon chemin. (An-Nisa 4 : 137)

Bane ki fine rejette sa bane zaffaires ki Allah (swt) fine dire dans sa verset là et Allah Li-même dire ki le dernier jour, zot fine alle bien loin avec bon chemin et zot fine égarer. Donc, zot noms capave musulmans, zot dire pé faire *Namaz*, mais en même temps alle lor *Darga*, rejette ene quelqu'un ki Allah (swt) fine envoyer et malgré ki ange pé apporte révélation pour le bien-être de l'humanité et particulièrement bane musulmans, zot rejette l'instruction divine ki Allah fine metté dans So Livre parfait, et au lieu de sa, zot alle croire dans bane innovations

(ena bocou encore innovations aussi couma *Tabeez*, tire lizié, attache la corde noire, etc.).

Kan ou fine gagne la foi dans Allah, So bane anges, et lire So bane Livres sacrés, alors guette ki Li dire là-dans : **Obéir So ban prophètes ki Li envoyer**. Donc, kan ou faire sa, ou pas fine tourne ou les dos avec Allah So bane instructions. Sa même ki Allah (swt) dire dans Quran Shariff :

« Ô ou ki ena la foi entre dans l'islam complètement et pas suivre les pas de Shaytaan, parski ouvertement li ene l'ennemi pour ou. » (Al-Baqara 2 : 209).

Kan Allah (swt) dire bane ki vraiment ena la foi entre dans l'islam complètement, c'est-à-dire, croire dans Allah, So bane anges, So livres et Li fine mentionne So bane messagers. Allah (swt) fine faire nous comprend même dans Quran ki Li (swt) fine envoie bane prophètes pour amène bons nouvelles et aussi pour prévenir zot.

Astaire pense ene coup dimoune ki rejette ene prophète ki Allah même fine envoyer et faire ange donne li bane révélations. Eski ou la foi dans Allah So serviteur pli important ou ene mariage avec ene quelqu'un ki rejette la foi, et pas accepter Allah So bane signes, manifestations ou prophètes ki Li fine envoyer ?

Allah (swt) même fine faire nous bien comprend concernant bane ki pas fine accepter Allah même, So *Deen* (Islam), So prophète et zot pé prier zot idole, pé donne zot idole plisse l'importance ki Allah, ene idole ki péna aucaine pouvoir.

Donc, suite à ene question ki mo fine recevoir de la part de nous Amir Sahib de Tamil Nadu lors le mariage, mo pé donne zot ene explication claire lors là afin ki l'ensemble de bane membres du Jamaat Ul Sahih Al Islam reste toujours lors le droit chemin et gagne ene l'éclairage lor sa sujet là.

Allah (swt) fine dire dans Quran :

Wa laa tankihul-mushri-kaati hattaa yu'-minn: wa la 'amatum mu' minatun khayrum-mim mushrikatiww wa law 'a'-jabat-kum. Wa laa tunkihul mushrikiina hatta yu' minuu: wa la-'abdun mu'-minun-khayrum-mim mushrikiww wa law 'a'-jabakum. 'ulaaa 'ika yad-'uuna 'ilan-Naar. Wallaahu yad-'uuu 'ilal-Jannati

wal-maghfirati bi-'iznih, wa yu-bayyinu 'aayatihii lin naasi la-'al-lahum yatazakkaruun.

Pas marier femmes ki prier idoles, jusqu'à séki zot gagne la foi (couma ou). Ene femme esclave ki ena la foi meilleur ki ene idolâtre, même si li attire ou. Pas marier bane z'hommes idolâtres, jusqu'à séki zot gagne la foi. Ene z'homme esclave ki ena la foi meilleur ki ene idolâtre, même si li attire ou. Sa bane là appelle ou vers difé, mais Allah appelle ou vers Paradis et vers le pardon, par So grâce. Li explique dimounes So versets, afin ki zot capave réfléchi. (Al-Baqara 2 : 222).

Donc, Allah dire : « **Wa laa tankihul mushri-kaati hattaa yu-minn.** » - *Pas marier bane femmes ki prier idoles, et Allah fine ouvert ene chemin là-dans. Allah dire ki jusqu'à séki zot gagne la foi couma ou.*

Donc, pour bane membres du Jamaat Ul Sahih Al Islam ki fine croire dans Allah So *Khalifa* (Khalifatullah), fine témoigne bane révélations divines, fine croire dans la Manifestation Divine, et ou dans ene Jamaat ki Allah (swt) fine élever dans sa siècle là kot ou travail c'est faire les zot conne sa Manifestation Divine là et croire dans séki Allah même fine élever, **COUMA OU CAPAVE MAINTENANT** – *à cause ene mariage, ene quelqu'un ki pas trouve dans sa Jamaat là et pas fine reconnait le Imam de sa l'époque là – (ou) alle marier avec zot ? C'est-à-dire, ou aussi ou fine bafouer sa bane vrai l'enseignements Quran ki Allah (swt) fine metté pour ou dans Quran.*

Ou conné ki Allah (swt) dire dans Quran ? Ene femme esclave ki ena la foi meilleure ki ene idolâtre même si sa femme idolâtre là attire ou.

Pour bane femmes croyantes, Allah (swt) dire pas marier avec bane z'hommes idolâtres (ici idolâtres, c'est pas seulement bane ki prier idoles mais aussi ki fine rejette bane z'affaires, bane l'instructions ki vine de côté d'Allah, ki fine bafoué bane commandements de l'Islam ki Allah fine dire nous faire et nous pas faire . Et kot nous tourne les dos avec l'instruction d'Allah, avec Allah So Envoyé, etc.)

Et Allah dire, jusqu'à ki sa bane z'hommes là gagne la foi et Allah (swt) dire ene z'homme idolâtre, même si sa z'homme là attire ou, pas alle avec sa bane z'hommes là jusqu'à séki zot gagne la foi couma ou. Et pli devant dans sa verset là, Allah (swt) dire sa bane là appelle ou vers du feu, mais Allah appelle ou vers

paradis et vers le pardon, par Sa grâce. Li explique dimounes Sa versets afin ki zot capave réfléchi.

Donc, sa li bien claire. Kan Allah (swt) élève Sa prophète, ensam avec sa, sa bane conditions là li attacher. Ou croyance dans Allah et Sa prophète li bizin complète et parfait. Maintenant ou pas capave dire ou croire dans Allah Sa Manifestation Divine et Sa serviteur Choisi et ou alle marier avec ene dimoune ki pas fine croire dans la Manifestation Divine, ni dans le serviteur choisi d'Allah. Ou sois li possible sa aussi ki sa dimoune là pas fine gagne le message. Alors couma Allah (swt) fine faire nous compran, ou bizin donne li le message jusqu'à ki li gagne la foi couma ou et donne li ene létemps aussi et guetter si pas li vini ou croire sincèrement dans Allah Sa Serviteur Choisi et la Manifestation Divine, ou sois zot pé faire seulement faire semblant et zot pé rode trompe Allah et bane ki ena la foi, mais si zot faire sa, zot pé en fait trompe zot-même sans réaliser bane conséquences de séki zot pé faire.

Donc, dans le Jamaat Ul Sahih Al Islam nous aussi, nous agir d'après Quran Shariff. Séki Allah et Sa Rassool (saws) fine dire nous faire, sa même nous pour faire.

Ou ti trouve ou dans ene l'autre Jamaat kan Allah fine donne ou sa faveur divine là et reconnaitre kot la vérité été, et alors ou fine quitte là-bas pou vine zoine la vérité. Astaire ou pou encourage ou proche marier avec ene dimoune ki pas dans le Jamaat d'Allah, dans sa Jamaat ki Allah (swt) fine élever là kot pour faire revivre bane vrais l'enseignements divines ? Le Jamaat d'Allah fine ouvert le chemin ki pour amène ou vers paradis et ou, ou quitte sa chemin là et ou alle prend chemin piquant ki pou amène ou vers l'enfer ?

Si arriver ene mo bane disciple alle marier avec ene quelqu'un ki en dehors le Jamaat ki Allah (swt) fine choisir dans sa siècle là, c'est-à-dire, Jamaat Ul Sahih Al Islam, par li-même li fine dissocié li avec sa humble serviteur là et le Jamaat Ul Sahih Al Islam. Li pas forme partie comme ene membre du Jamaat Ul Sahih Al Islam.

Et à aucaine moment aussi, mo pas pour donne l'autorisation ene Amir ou Naib Amir, ene nous Molvi/ Muballigh ou ene membre du Jamaat Ul Sahih Al Islam pour faire *Nikah* de sa dimoune là et si arriver quelqu'un faire sa sans mo permission, bé mo pour bizin azir, selon la guidance divine.

Par la grâce d'Allah, le Jamaat Ul Sahih Al Islam ena so bane Managing Committee kot nous ena Amir, Naib Amir et plusieurs office-bearers et parmi ena ene secrétaire ki guette bane zaffaire mariage ensam avec l'Amir et Naib Amir ou sois si ena bane problèmes dans ene ménage, c'est zot travail pou conner ki bizin faire dans sa bane situations là.

Donc, dans nous Jamaat Ul Sahih Al Islam, nous ena beaucoup jeunes (garçons et filles) pas marier et c'est le devoir de sak Amir, Naib Amir et Secrétaire *Amoore Ama* pour guetter et faire bane jeunes marier dans nous Jamaat Ul Sahih Al Islam même. Bizin encourage nous bane jeunes marier dans le Jamaat de la Manifestation Divine même kot ena ene Choisi d'Allah parmi zot, kot Allah (swt) fine élève li avec le Saint Esprit et nous travail c'est pour amène zot tous vers la vérité de la Manifestation Divine.

Maintenant ene question capave lever aussi, si arriver ene quelqu'un intéresser pour marier avec ene quelqu'un ki trouve dans nous Jamaat Ul Sahih Al Islam ? Avant accepter sa demande là, bizin bien bien explique li dans ki Jamaat ou été et ki ou croyance et aussi donne li le message, et pas presser kan li dire ou « *Mo accepter, mo fine croire* ». Ou pas emballer et faire le mariage vite vite – observe li et guetter bien et faire *duahs* et guetter si vraiment li montrer li sincère envers le Jamaat Ul Sahih Al Islam ; eski vraiment li fine croire et si li fine croire, faire li comprend ki so *Nikah*, c'est ici le Jamaat Ul Sahih Al Islam ki pour faire so *Nikah* et avant *Nikah* li bizin fini prend le *Bai'at* et envoye rapport kot sa humble serviteur là.

Tous mo bane disciples bizin encourage zot zenfants pour marier dans Jamaat Ul Sahih Al Islam. Donc, mo demande bane parents et bane jeunes ki fine arrive l'âge de mariage, marier avec bane ki trouve dans le Jamaat de la Manifestation Divine. Pas alle faire sa erreur marier en dehors là kot ou capave alle perdi bane bénédictions et faveurs divines. Pense bien ki c'est Allah (swt) ki pour juge entre ou le Jour du Jugement. C'est pas possible ki Allah donne ene chemin à bane ki fine tourne zot les dos avec la Manifestation Divine, rejette le Messenger d'Allah pour vine pli supérieur à bane ki fine accepter Allah So serviteur et la Manifestation Divine. Si ou dire ki ou fine croire dans la Manifestation Divine, pense bien ki Allah (swt) pour faire bane tests avec ou. Ou bizin ena sa la peur là, et pense lor sa punition dans la vie future. Pas laisse ou embêter avec bane mal et

tentation de sa le monde là, sinon difé l'enfer pour attrape ou. Donc, aparte Allah ou pas pou gagne aucaine protection, ni même aucaine aide. Faire bane bon actions, parski bon actions repousse mauvais.

Donc, à la fin, mo pour dire ou :

« Wasbir fa-innallaaha laa yuziii-u' ajral-Muhsiniin. »

Prend patience parski Allah pas laisse récompense bane bons dimounes perdi.
(Hud 11 : 116)

Donc, prend patience pour ou gagne ene joli récompense. *Insha-Allah, Ameen, Summa Ameen.*